

PM Rozgar Mela

प्रधानमंत्री नरेन्द्र मोदी होरें अज्ज वीडियो कांफ्रेंसिंग राएं बक्ख-बक्ख सरकारी मैहकमे ते संगठनें च नमें नियुक्त युवाएं गी 51 जहार शा मते नियुक्त पत्र बंडे। 15मां रोजगार मेला जम्मू कश्मीर सनें देसै दे 47एं थाहरें उप्पर आयोजित कीता गेआ। जम्मू च मेले दा आयोजन कनवेंशन सेंटर च कीता जा'रदा ऐ। केन्द्री मंत्री डॉ. जितेन्द्र सिंह होरें इस वर्चुअल कार्यक्रम दी शुरुआत करदे होई आखेआ जे 28 फीसदी महिलाएं नमें नियुक्त कीते गेदे युवाएं च न। सभा गी संबोधत करदे होई प्रधानमंत्री होरें आखेआ जे विकसित भारत दी यात्रा च भारत दे युवाएं दी भूमका अहम होग ते भारत दी अखंडता, सुरक्षा ते विकास दी रक्षा करना उंदा मुख्य कर्तव्य ऐ।

<><><><><><>

LG-Summons

उपराज्यपाल मनोज सिन्हा होरें जम्मू-कश्मीर विधानसभा दा 28 अप्रैल 2025 गी बड्डलै साड्डे 10 बजे विशेष सत्र लाने दी इजाजत देई दिती ऐ। जम्मू-कश्मीर पुर्णगठन कनून 2019 दी दफा 18(1) तैहत एह मंजूरी अज्ज थोई ऐ। एहदे तैहत विशेष कश्मीर विधानसभा दे सचिव आसेआ जारी आर्डर मूजब सारे मिम्बरें गी सत्र च शामिल होने दा आग्रह कीता गेआ ऐ।

<><><><><><>

JK Ministers Cities

जम्मू कश्मीर दे बसनीकें दी सुरक्षा ते भलाई बेह्तरी गी जकीनी बनाने लेई मुख्मन्त्री उमर अब्दुल्ला हुंदे निर्देशें दे मगरा कैबिनेट मंत्री जावेद अहमद राणा, जम्मू कश्मीर दे विद्यार्थिएं, कारोबारिएं ते उत्तर प्रदेश दे अधिकारिएं कन्नै मलाटी करने लेई लखनऊ पुज्जे न। उंदे इस दौरे दा मकसद पहलगाम आतंकी हमले कन्नै उत्तर प्रदेश च जम्मू कश्मीर दे बसनीकें अंदर सुरक्षा दी भावना पैदा करना ऐ। इच्छुक व्यक्ति वीवीआईपी गैस्ट हाउस, साकेट लखनऊ च मंत्री हुंदे कन्नै मिलने लेई मोहम्मद लतीफ तासिर, ओएसडी नंबर 9419168208 ते रियाज अहमद एपीएस नंबर 9103792688 उप्पर संवर्क करी सकदे न। इससै चाल्ली कैबिनेट मंत्री सकीना इत्तू चंडीगढ़ ते पंजाब च जम्मू कश्मीर दे विद्यार्थिएं, कारोबारिएं कन्नै मिलने ते उंदी सुरक्षा गी जकीनी बनाने लेई उत्थें न। कुसै बी चाल्लीदी मदद लेई नंबर 9419004823 ते 7006065102 उप्पर संवर्क करी सकदे ओ। मंत्री सतीश शर्मा होर देहरादून च न। जेकर कुसै बसनीक गी सुरक्षा सरबंधी कुसै मुद्दे दा सामना करना पवा'रदा ऐ ते ओह 9419180515 ते 9906204222 उप्पर संपर्क करी सकदा ऐ। उपमुख्मन्त्री सुरिन्दर चौधरी होर मुंबई च न ते उंदे कन्नै संपर्क लेई 7780926079 ते 9622491579 उप्पर संपर्क करी सकदे ओ।

<><><><><><>

Maharaja Punyatithi

रिआसत जम्मू कश्मीर दे खीरी शासन महाराजा हरि सिंह हुंदी बरसी दे मौके पर अज्ज उनेंगी भावै भरोची श्रद्धांजलि भेंट कीती जा करदी ऐ। दक्खन एशिया दे इतिहास च इक बक्ख ीते महत्वपूर्ण पंछान रखने आले महाराजा हरि सिंह होर डोगरा वंश कन्नै ताल्लुक रखदे हे जिनें जम्मू कश्मीर गी इक सदी कोला बी मते अरसे तगर, बे-स्थाबी बन्ने सब्बनता दे बावजूद बी इक मिक्ख रखेआ ते साम्प्रदायिक एकता इकजुट्टता ते भाईचारे गी बरकरार रखेआ। उंदी एह परम्परा अज्ज बी इस चित्ते दे सियासी ते सांस्कृतिक पैहलुएं पर अपना असर दस्सदी नजरी औंदी ऐ। उपराज्यपाल मनोज सिन्हा होरें महाराजा हरि सिंह हुंदी पुण्यतिथि उप्पर उनेंगी श्रद्धांजलि भेंट कीती। अपने सोशल मीडिया पोस्ट च उपराज्यपाल होरें आखेआ जे महाराजा होरें इक प्रगतिशील विचारक ते दूरदर्शी सोच रखने आले महाराजा हे। जिंदा अपनी मातृभूमि गी असाधारण योगदान ते समाजी सुधारें ते समावेशी शासन लेई अटूट प्रतिबद्धता असेंगी म्हेशां प्रेरत करदी ऐ।

<><><><><><>

Akashvani Awards

आकाशवाणी नै इंडिया ऑडियो समिट एंड अवार्ड्स 2025 च बक्ख-बक्ख श्रेणियों च कुल 6 पुरस्कार जित्ते न। इस पुरस्कार समारोह दा कल रातीं मुंबई च आयोजन कीता गेआ। आकाशवाणी गी मिले दे पुरस्कारें च, साबका केंद्री मंत्री स्मृति ईरानी हुं'दे कार्यक्रम 'नई सोच नई कहानी- अ रेडियो जर्नी विद स्मृति ईरानी' गी रेडियो दा सीरीज ऑफ द ईयर घोषित कीता गेआ। समाचार सेवा प्रभाग दे लोकप्रिय हफ्तावार फोन-इन कार्यक्रम पब्लिक स्पीक गी सेहत ते फिटनेस श्रेणी च सभ्मनें शा श्रेष्ठ ऑडियो कार्यक्रम दे रूप च मान्यता दित्ती गई। आकाशवाणी दिआं महानिदेशक डॉ. प्रज्ञा पालीवाल इस कार्यक्रम दि'आं मुख् परौहनियां हि'आं। महानिदेशक होरें ऑडियो उद्योग च क्रांति पर लोऽ पाई ते दस्सेआ जे लोकसेवा प्रसारक दे रूप च आकाशवाणी जन हित गी बनाई रखदे होई उ'नेंगी 'सूचित, शिक्षित ते मनोरंजन' करने दे मिशन लेई वचनबद्ध ऐ।

<><><><><><>

PM-MKB

प्रधानमंत्री नरेन्द्र मोदी होर कल बडलै 11 बजे आकाशवाणी उप्पर मन की बात कार्यक्रम च अपने बचार सांझा करगन। एह इस मासिक रेडियो कार्यक्रम दी 121मीं किश्त होग। आकाशवाणी ते दूरदर्शन दे समूलचे नेटवर्क, आकाशवाणी समाचार दी वैबसाइट ते न्यूज ऑन मोबाइल ऐप उप्पर कार्यक्रम दा सीधा प्रसारण होग। आकाशवाणी समाचार, दूरदर्शन समाचार, प्रधानमंत्री कार्यालय ते सूचना ते प्रसारण मंत्रालय दे यूट्यूब चैनलें उप्पर बी एहदा सीधा प्रसारण होग। आकाशवाणी थमां हिंदी प्रसारण दे तुरत मगरा मन की बात कार्यक्रम दी क्षेत्रीय भाषाएं च प्रसारण होग।

<><><><><><>